



**KM Sabah tak terperanjat Yong bertanding
Malaysiakini.com
October 23, 2010**

Ketua Menteri Sabah yang juga pengerusi BN negeri, Datuk Musa Aman tidak terperanjat dengan pengumuman Parti Maju Sabah (SAPP) untuk meletakkan presidennya, Datuk Yong Teck Lee bertanding dalam pilihan raya kecil parlimen Batu Sapi 4 November ini.

"Kami dalam BN sudah lama menjangkanya dan kami tidak terperanjat," katanya ketika ditanya mengenai perkara itu.

Musa juga berkata calon BN adalah anak jati tempatan dari PBS.

"Kami akan mengumumkan calon BN di Dewan Sandakan pada jam 2.30 petang esok. Dia adalah 'anak jati' Sandakan," katanya dalam sidang akhbar di perhimpunan agung Umno di PWTC hari ini.

Musa yang juga pengerusi Umno Sabah berkata, pilihan raya kecil parlimen Batu Sapi mungkin menyaksikan pertandingan banyak penjur.

"Saya mendengar beberapa calon bebas berminat untuk bertanding," katanya.

Copyright © 1999-2007 Mkini Dotcom Sdn. Bhd.
Source : <http://www.malaysiakini.com/news/146194>